

話米鹽。漫引壺觴終日酌，不妨史隱一身兼。隔河巨寇猶增援，天意應教聚族殲。

題黃二南舌竹

太虛

以至柔吐至剛，秉虛心成勁節。遮卻赤日炎炎，拂來清風習習。答天虛我生韻

丈室唯留一榻，十方佛土亦虛。無病而病摩詰，不來而來曼殊。題李印泉詩錄

早歲縮軍揆政，頻年耽隱習禪。險難吟成健在，佇看劍掃風煙。贈李協和將軍

京國倡談佛學，匡廬雪竇優遊。更從黔山滇水，心心印接法流。

七七兩周年擬杜七歌

李仙根

蕩蕩中華我民族，龍興虎視東大陸。皇皇我祖號軒轅，一戰蚩尤  
四裔服。山川森秀文明育，禮爲幅兮義爲軸。嗚呼一歌兮歌聲  
洪，中華民族垂無窮。

中華中華我祖國，民物衆多地廣漠。連綿基業幾千年，英雄賢聖  
相繼作。立國精神耀八德，自由平等長獨立。嗚呼二歌兮歌聲  
高，炎黃華胄足自豪。

赫赫天命我總理，堂堂黃帝好孫子。推翻專制創共和，救民救國  
革命起。三民主義公所始，圖強發奮雪國恥。嗚呼三歌兮歌永  
思，自公逝後傷陵遲。

國難之來非一朝，東海島夷掀狂潮。將軍棄地九一八，得寸進尺  
盧溝橋。長蛇封豕薦上國，神聖抗戰甯土焦。嗚呼四歌兮歌懷

慨，前進前進大時代。

多難興邦古有訓，倭奴暴戾天人憤。抗戰抗戰爭自由，從軍殺敵齊發奮。男兒裹屍須屬革，死爲國殤皆本分。嗚呼五歌兮歌壯烈，國仇必報恥必雪。

七七抗戰今一周，外結好兮內政修。上有英威之領袖，擁有百萬之貔貅。出錢出力有民衆，不底勝利安肯休。嗚呼六歌兮歌復起，勝利第一良有以。

凡人莫虛生世間，古來英雄皆艱難。國難未平仇未復，一切恩怨胥等閒。君不見同胞慘受敵荼毒，血染大地成斑斕。嗚呼七歌兮歌斷續，天愁地慘吾欲哭。

黑石之山歌

劉永濟